

Regio.

Situs.

Soli fertilitas.

Animalium va-
rietas.Imperium majo-
rum.

Pictonium vel Pictavia, quæ sequitur, vulgo Poictou, spectat versus Meridiem Ecolismenses & Sanctones; ad Occidentem habet Oceanum: qua Septentrio est, Britannos respicit & Andegavenses; reliqua Turones, Bituricenses, & Lemovices claudunt. Regio est Frugum, Pecorisque, Lanæ, Linique feracissima, Vino frumentoque dives. Avium Ferarumque magnam habens copiam: quo fit ut venationes aucupiaque hic sint frequentia. Regni Titulo decorata legitur hæc Provincia ab Gothis; quos hinc, ut tota Aquitania, exegit Francorem Rex Clodoveus. Imperator Ludovicus Pius Aquitaniæ Regnum Filio Pipino dedit; cuius filios Pipinum & Carolum quum Carolus Calvus, ipsorum Patruus, Aquitania dejectos Monasteriis inclusisset, ipse Principatum invasit, donoque Consanguineo suo Arnulpho dedit; sed, abrogato Regni Titulo, Ducatus honore insignitum. Arnulpho successerunt ordine Gulielmus Bonus; Eble 1, & 11; Gulielmus 11 & 111; Guido; Gulielmus IV, & V: hujus unica Filia & Heres Eleonora elocata fuit Ludovico V 11, Francorum Regi: a quo propter adulterii & Proditionis suspicionem repudiatam duxit Henricus Normanniæ Dux, qui defuncto Stephano Angliæ Regi successit. Henricum tam in Angliæ Regno, quam in Dotalibus paternisque in Francia Ditionibus sequuti sunt ipsius Filii Richardus & Joannes. Quum autem Arthurus Filius Godefredi (qui Regis Ioannis major natu fuerat) præferendum se Joanni diceret, persuasus ab Francorum Rege Philippo Augusto, ut Pictones Patruo Ioanni eriperet, rem viribus adgressus, ab Joanne qui ex improvise supervenerat, fufis copiis, captus est, Rotomagumque raptus temeritatis suæ pœnas dedit. Eam ob causam Ioannes Rex ab Constantia Arthuri Matre apud Philippum Regem Paricidii accusatus, damnatus fuit: ejusque bona Philippo, tanquam Feudorum Domino, sunt adjudicata, cum alia, tum Pictavia: quam mox Successor ipsius Ludovicus V 111 Alphonso Filio concessit: quo Impropli defuncto, in potestatem Regis Philippi 111 venit, penesque ipsius Posteris mansit, donec, regnante Philippo Valesio, de Eduardo 111 Anglorum Rege fuerit recuperata, retentaque plenius cum tota Aquitania per sancitam inter eundem & Joannem Francorum Regem Pacem. Factum mox ex Aquitaniæ Ducatu Principatum Rex Eduardus Filio concessit: qui quum Aquitanis gravissimum imperasset Tributum; magnam partem amisit, defectione ab iis facta ad Carolum V Francorum Regem: cuius Nepos Carolus V 11 Anglos tota Aquitania, anno c10cccc111 exturbavit, Filioque Regi Ludovico XI reliquit. Hic eam Fratri largitus est Carolo: quo mortuo, rursus Rex Ludovicus receptam ad Regem Carolum 11 x Filium transmisit: a quo tempore Aquitania, cuius non ignobilis portio Pictavium, deinceps in potestate permansit Regum Franciæ. Veteres Incolæ fuerunt Pictones, Cæsari, Straboni, & Plinio: Pictones Ptolemæo, Pictavi Ammiano Marcellino. Pictonicam Regionem appellat Aufonius: Civitatem Pictavorum vel Pictavonum Notitia Provinciarum in Aquitania 11, vel V 11 Viennensi. Hodie le Pais de Poictou. Pictonibus Populos Agesinates jungam cum Plinio. Horum verisimile est memoriam adhuc superesse in Pago Aigoumois, haud procul Fano S. Maxentii quod Opidum ad Severum fluvium.